

乾隆杭州府志

杭州府志卷十七

山川五

仁和縣

鳳凰山 在仁和縣南十里與錢塘縣接界自唐以來州

治在山右宋建行宮山遂環入禁苑元末張士誠築城始

截山于城外

大清一統志

兩剋軒翥左薄湖潁右掠江濱形

若飛鳳

西湖遊覽志

鳳凰山臨安之正按山也山勢自西北掀

騰而來至此山止分左右二翼大內在山之左腋端誠殿

在山之右腋後各有山包之地險且壯實一都會

雲麓漫鈔 陳

師道登鳳凰山樓子瞻詩數篇曾見使君詩前後登臨各
一時妙舞新聲難得繼清風明月却相宜朱欄行遍花間

路看盡當年題壁處更有何人問使君青春欲盡花飛去
劉過同郭殿帥遊鳳凰山詩廉纖小雨久于梅喜得新
晴亦快哉五色波光麗鵲十分雲氣近蓬萊旌旂側畔
宮墻轉戈戟叢中武庫開走馬看山生怕晚果然桃李一
山栽陳基分署望鳳凰山詩秋氣日以佳微雲不成雨
青山天際來與我爲賓主飛龍及舞鳳突兀在庭戶須臾
秀靄收草樹架堪數譽于麋鹿姿詎意搜圭組蹙縮匪天
真驅馳漫塵土偶坐屬無譁晴容湛空宇欲去復踟躕此
意誰當與貫雲石休暑鳳凰山詩路隔蒼苔卒未通泉
花如髮玉露蒙蛟浮海近雲窺濕蚊怯山寒葛帳空高枕
不知秋水上升門忽見暮帆東物華萬態俱忘我北望惟
心一寸紅屠隆鳳凰山詩林響踏空沙川光映紫霞獨
猴竊山果童子拾松花風磴千盤折寒
江一帶斜僧來背殘日落葉滿袈裟

艮山 在城東北隅一小土阜耳而山名之蓋亦地脈近

海之所蟠結也

古今圖書集成職方典

艮山東麓南渡宸遊看新綠

處歲寒

山有地脈者當亘古不變今艮山日就凌夷存僅

丈許似未必爲地脉蟠結元沈德章撰艮山土神廟記云
雉堞之餘築爲土臺可知此阜所由來也宋紹興時東北
城門已具有艮山名者艮爲東北之卦門位東北命之曰
艮兼山爲艮命之曰艮山不必實有山也後人執而不化
必求其山而此地適有此阜遂相從指實之耳咸淳志載
諸山甚詳備未收艮山豈近在負郭且榜諸城門而獨爲

闕畧耶

艮山
雜志

阜亭山

錢塘縣有阜亭山

唐書地理志

阜亭山今屬仁和縣

在縣之東北二十里高百餘丈雲出則雨

宋祥符圖經

山上有

石城周廻十里

太平寰宇記

阜亭山三字扁寧宗御書

咸淳志 山

高四百丈上多桃竹果樹

名勝志

山當往來之衝宋德祐二

年元兵從長安鎮進次臯亭山明初命李文忠取杭州分

遣茅成駐臯亭山蓋府境必備之險也

讀史方輿記要

宋時臯亭

諸山極盛南渡兵興設置戎壘而古蹟漸亡今山前後桃

花最繁延播十里間遊人載酒往來婦女入半山祈蠶清

明時絡驛不絕

仁和縣志

臯亭山城北諸山最高者前有半山

掩其脊故冬月常積雪湖墅望之宛如玉柱名曰臯亭積

雪爲湖墅八景之一

錢塘遊覽志

臯亭名唐書已載白文公祈

臯亭神文自注云臯亭山在東北至南宋寧宗又標三字

爲扁而宋元人多書作高亭者一見周必大南歸錄再見

汪莘方壺集三見文天祥指南錄四見劉一清錢塘遺事

五見鮮于樞遊記六見杜綰雲林石譜七見釋念常佛祖

通載更有作蒿亭者見元人度柳翠雜劇有作皐亭者見

五燈會元要皆非正郭北三山志皐亭山杭人亦曰東皐舊有

亭在其頂故曰皐亭今亭已燬故址規模存焉佛日勝記

題皐亭山詩樵路縈迴入翠微清泉白石可忘機雲中大

吠劉安過樹杪春深望帝歸白鶴肯留華表語蒼官合授

錦衣圓珠襦玉佩今何許一笑人間萬事非汪莘到高

亭望南北雨峯詩每泛西湖不肯還高亭數疊出雲間如

今回至高亭路却望西湖數疊山方回泊皐亭山下詩

草草供行役蕭蕭就苦吟飯遲緣共竈舟窄僅容衾稍冷

天須霽將明夜已深江湖四十載空負一生心周詩望

皐亭詩故作南樓障今成北面看岩巖衆峰色寂寞雨中

寒嶺憇仙人鶴厓留帝子丹山靈解客意不受霧漫漫密

樹藏紅細新波蘸綠嬌嬌林芳鬱堪翠山色衆相邀虹閣崇

朝雨橫塘第五橋漁歌近昏暮一一起蘭茗釋宗乘發
臯亭詩曉發凌蒼苔徘徊谷中步松門磬已微空翠鷺相
顧澗聲雜幽禽巖花落深樹孤懷當如何復此向春暮
王嗣槐半山詩女兒家住半山頭日對門前溪水流忽見
桃花溪口落無心更上半山樓

於山 臯亭西北二里小山也高十三丈周一里仁和縣志

橫山 在臯亭西高不下百丈萬歷舊志俗呼馬鞍山與於山

皆離臯亭而立中隔支河山下有黃村亦名橫山村北郭三山

志毛先舒橫山詩春日恣春遊沿河隨小舟誰知白雲
外別有橫山幽明月照人臥清泉到枕流我來三宿去夜

夜夢
滄洲

青龍山 在臯亭之東高七十餘丈山脊蒼翠偃曲如龍

咸淳志又有莫山在青龍山之東又有碁盤山與青龍山相

對中跨一澗

仁和縣志

烏頭山

在肇元鄉青龍山之東高八十餘丈峯銳而秀

咸淳志

萬歷志載阿媽山于臯亭之後又別載烏頭如舊沈

蘭先親訪其地青龍之東有莫山莫山而東爲阿媽山又

東則水尖山而無所謂烏頭者按成化志則烏頭當居青

龍石姥之中而又無阿媽山疑阿媽山卽烏頭之俗名俗

名著則原名反晦矣

仁和縣志

丁彭烏頭山山於詩灌

穀雨喚禽聲客从如無歲山多不辨名杖藜隨野老竟日少逢迎

水尖山 在青龍山之東高二百餘丈按縣志在烏頭山

東黃鶴山南

古今圖書集成職方典

按自於山以下皆臯亭支阜

石姥山 在縣東北四十二里有石端聳如人立其西爲

烏頭山 大清一統志 高五十餘丈有嶺南接運河塘赤岸嶺

西有珍珠塢 咸淳志 石姥山前麓復有雞籠山高六丈周里

許 仁和縣志

黃鶴山 在仁和縣舊治北三十八里 宋祥符圖經 黃鶴山者

仙人王子安乘鶴過此因名 續齊諧記 在佛日山南高約百餘

丈巔有龍池一名渥注池池出雲必雨又有潭在山之東

故老相傳有詩云但看黃鶴山頂雲化作白龍潭上雨或

爲僧道潛作 咸淳志 黃鶴峯爲臯亭諸山最高處 李檀圖黃集自注

鶴山與臯亭接壤而離立俗呼爲臯亭黃鶴峯舊謂因王
子安過此得名以敖陶孫題臯亭雲中犬吠劉安過句證
之或是不虛朱國正湧幢小品言峰下周老人得老君石
像忽搏空去其時松花盛開羣鶴迴翔花撲起鶴皆黃故
以名峰此說前無可攷恐好事者爲之矣成化志云山有
黃鶴權權卽寰宇記樓字之訛嘉靖縣志遂云黃鶴權修

道于此今縣志更云黃鶴公名權者轉輾支離可發一粲

郭北三山志 揚溪斯黃鶴山聽雨詩元局息深構虛館
含餘清瀟灑酒松上來瑟縮花間鳴遙兼夜柝警細與寒更
并懷清感離別撫物媿生成土思浩方殷春深耿愈明幸
及朋知好達此旦暮情北展非窮轅南山夢歸耕何言托
毫素聊以款平生 陶宗儀送叔明氏甥趙廷采還黃鶴
山詩木葉蕭蕭小雨零西風鼓櫂晚潮生江山形勝歸園

寫今古詩篇付品評乘興漫窮登眺樂懷人不盡別離情
蕙帷黃鶴應無恙此日歸來思益清孫棕由臯亭尋黃
鶴峯詩夜宿龍居隄曉尋黃鶴峰旭光盪叢薄涼殿如初
冬路由滑石嶺支身籍危筇初峰經翠屏翠翠青芙蓉玉
屏相對峙澹泊秋雲籠獅峰亦雄傑毛絲奉蒙茸巖絕一
峰秀黃鶴呈奇容勢欲摩青天翔先鸞龍隨仙遊八極
歸棲碧山重骨疑黃石化羽豈黃金銛我慕臯亭山黃鶴
情尤鍾茲來一登眺翩翩與何濃昔年王叔明茲山寄遐
踪以筆代樵斧畫山畫一松至今尺幅上占法人猶宗高
人不可作幽感空填胸悲風萬壑來飛激泉溶溶野鹿落
磔走老僧披雲逢笑指
佛日寺琅琅響齋鍾

按舊志載蘇軾黃鶴山詩不見本集疑屬贗作故不載

母山 在縣東北西與黃鶴山相接亦名鳳凰山羣山中
最爲高聳直上五百丈綿亘十五里張翼左右如母顧子

亦名母顧山 大清一統志 宋志名母山土人則稱鳳凰山 和仁

縣志

大旗山 在黃鶴之北高約五十餘丈有青草塢咸淳志

南山 在大旗之北東南與佛日夾境爲杜牧塢咸淳志去

城北五十里高二十七丈周五百一十五丈咸化舊志

南鮑山 在南山之北高約十餘丈咸淳志

泰山 在南鮑山之北高約十五六丈咸淳志 杭州高亭山

後泰山出石雲林石譜

佛日山 在杭州東北山堂肆考在母山之東北高約六十餘

丈咸淳志 亦名佛日塢溪流屈曲叢木交映水底怪竇如瑪

瑙色細蒲翠滴至此者竟日忘返山徑有大松數株皆唐

宋時物塢盡處大洞如屋卽黃鶴仙洞也

武林梵志
鷄佛日山遊記

甲寅月正九日約王會祥丁敬汪沆同舟出郭門搖兀五
十里過赤岸桐扣進湯家堰捨舟而陸桑野沃衍可喜望
兩山嵌崿五複中諸峰巖巖狀如爭獻瑰瓌一峰爲濟輩
所壞如墮其脇獨高絕處闐然不能匿春寒薄陰餘雪晶
晶離離爲之目誘心奪于千仞之表卽黃鶴峰也緣溪行
水漸狹漸清石子五色布散被以荃蒲蘊苔綠縵如洗旁
多古樸大松或欹或直行且翫入寺聽黑矣向主僧借榻
畢復走寺前左偏石橋上橋下爲潭亭面橋萬竹翳亭後
時氛靄四合睠習不可辨惟聞泉籟淒淒憂瓦雪釋霽旁
有怪梅臨潭上始着花潭氣鏡空晃微花上縞幽耀真光
景奇絕少選片月出林表靡靡微露人影靜對不足寺門
欲闔歸宿東廡之樓下月轉寒偃相與賦詩未就起視殿
閣角一小山隙平而椒銳沉碧近人達旦視之叢灌也十
日澄霽僧具粥已引余輩取徑寺後循東麓下溪中多大
石陂陁隱見水漫流其上勢偃怒殺則如鼓絲鳴玉之聲
始嘆坡詩土肉山骨之句爲善寫物狀窮水源得龍藏泉
石裂若蛻虬泉陟崖腹得龍洞頂平若堂左折而上爲仙
姑洞口仰出若壺俛而闕然深且下稍進又一穴其深

不測衆皆掉標莫敢入日未亭午別僧歸樓鑰宿佛日
山詩平生臨平山知誦藕花句輕帆幾來往山色澹如故
寧知千萬峯中間着佳趣蕭蕭蒼髯翁爲指化城路我亦
春正濃天寒日將暮雲深鐘鳴自喜得勝具酒饜玉局
仙老筆掃朝霧玉梨儼相持珠旒竟何所惟餘渥洼水蒼
龍牙角露人間翻覆手烈日變烟雨俗子眩炎涼三四錯
賦乎道人笑視之萬化隨所寓深坐十笏地一息了千慮箇中誰得知幽鳥背人去

魏花山 在佛日山北高二十七丈周五百一十五丈萬

舊志

桐扣山 在縣東北五十里下有石鼓湖晉武帝時岸出

石鼓張華取蜀桐刻魚形扣之故名大清一統志吳郡臨平

岸崩出一石鼓槌之無聲帝以問華華曰可取蜀中桐材

刻作魚形扣之則鳴矣于是如其言聲聞數里晉書張華傳吳

苑日聲聞數十里劉道民詩曰事有遠而合蜀桐扣吳石

水經注

海中有獸曰蒲牢素憚鯨魚擊鯨則蒲牢鳴猶晉有

石鼓不取桐材斲爲魚形扣之則不鳴後世猶作蒲牢于

鐘上而狀鯨魚擊之擊磬之器亦上削桐以爲魚也

文獻通攷

桐扣以張華得名俗云同口非也

周益公題跋

南宋時俗訛桐

扣爲同口益公南歸錄亦言之而宋史河渠志載政和時

張閣奏言潮薄巖門白石北距赤岸甌口止二十里則北

宋又嘗訛甌口也明僧雪江詩集作桐口曹氏名勝志作

銅扣皆屬訛文

郭北三山志

張輅陪遂西臯入桐扣山家分租詩桐扣灣頭暫泊船閒陪杖履過

前川好山深似愚公谷古井猶存孝子泉半綠半紅霜後樹輕雲輕雨日斜天田家正苦官租急縣吏推門夜不眠

釋明秀泛舟至桐口詩路轉青村台山連赤岸斜夕陽
飛燕子茅屋落桐花晚點聞孤笛輕舟閣淺沙前峰望不
遠林際欲棲鴉王錫桐魚石鼓歌臨平岸崩出石鼓天
然琢成疑鬼斧世人不解能大鳴持問茂先奇始吐刻魚
惟有蜀山桐臨風一扣聲如鐘物理相待固若此但恨識
者無時逢至今山號桐扣好嵩山離離生碧草石鼓未審
歸何方尚有能言之故老嗚呼天地英靈正不窮異
物多在塵埃中庸流縱莫見拂拭當世豈乏張司空

贊山 運河之南爲贊山一名王陵山西北爲蔡姑山高

十丈 萬歷舊志

按贊山在桐扣河南舊志與雞籠山並書相去甚遠

茅山 在小林村中其西有丁山有鷲山 仁和縣志

黃山 在縣治東北五十里高五十丈周一里北一里爲

橫山爲東西二橫山皆相連絡高三十丈周五里 萬歷舊志在

桐扣山北黃溪在其下

仁和县志

橫山去舉亭東北二十里

堂

同凡草

釋明方再過橫山詩越嶺問遠嶂乃作平林行

松花塞古路

幽尋遂隱情苔蘚足階磴溪澗何凄清屐痕

不忍躡忍縱車馬聲引策歷重賞古閣藏契經鑿

兩發鐘籟深理超淵明塵氛久橫絕橫山所以名

臨平山

在縣東北五十四里平曠透迤無崇岡修阜其

嶺一名邱山

大清一統志

山高五十三丈周迴十八里

宋祥符圖

經

臨平山形如駱駝蔡京葬其父于此築塔于駝之峯蓋

葬師云駝負重則行遠也然東坡樂府固已云誰似臨平

山上塔亭亭迎客西來送客行則臨平有塔亦久矣當是

蔡氏增築或遷之耳

入蜀記

老學菴筆記春渚記聞癸辛雜

志皆言臨平山形如駝咸淳志載沈汝諧詩山勢分明飲

水龍圖疑駝字同音之訛城東北諸山皆自吳山委脈至

臨平而中斷由是北百餘里方露含山一小阜故元吳景

奎詩云舟過臨平後青山一點無郭北三山志皇甫舟

遠山誰辨江南北長路空隨樹淺深流蕩飄搖此何極惟

應行客共知心李綱初到臨平見山詩孤舟渺渺兩山

間終日鉤簾只看山落日半銜霞未散疎林漸暝鳥初還

妻涼離恨誰能寄浩蕩詩愁自莫刪賴有青山可人意與

君相對且開顏沈汝諧臨平山詩山勢分明飲水體孤

峯西轉鬱嵯峨不須探問山童藥且挹朝來爽氣多釋

良琦過臨平山詩臨平山高出雲霧下有澄江帶楓樹烟

中漁父扣舷來竹裏樵兒唱歌去客行輕帆如鷺翰南風

小雨生朝寒荷花浮水照征袂碧風白雲當飯盤昔人經

過詩句好我不能詩空自老客路青山不及登紅塵明日

錢塘道沈謙同張氏兄弟登臨平山詩憑高試一臨絕

壁俯千尋落日山水澹浮雲天地陰蕭條見古道沆慨起

愁心不遇張華賞誰知石鼓音李宗渭晚過臨平山詩

朝從西湖來衣上柳花碧舉權百里中兩頭見山色山光

近復遠不覺日將夕水際上漁人烟
中語山客明發下灘行遙遙徑微白

瓶山 在臨平鎮廣嚴寺之側乃宋時沽官酒處碎甃堆

積久成一阜其旁取土者猶得遺甃也俗稱平山郭氏正

調鼎瓶山詩積土旗亭傍招人侯月明有寮供木佛無酒
出甃畧地轉人家列山低雲樹清滄桑悲往事幾度釀新
成

瓜山 去武林門十五里有大瓜小瓜綿綿齊墟夾岸連

勢向北一瓜稍大南則橫橋連帶橋北有禰正平祠俗謂

雲石浮來亦稱爲靈石廟神州古史攷相傳昔有香爐一座漂

至三足皆龍爪舉之須四人因封爲瓜山土神嘉靖仁
和縣志

按古史考作瓜縣志作瓜舊志兩說並載訖無折衷存

以俟攷

龍珠山 在縣北三十里一名巧山 大清一統志 在肇元鄉

五都高約六七丈形圓如珠與臯亭黃鶴衆山相望 咸淳志

俗傳錢王七夕登山乞巧于此故亦名巧山 名勝志 山勢奇

秀巔有井出自天然非人工所鑿 仁利縣志

古城山 在龍珠山東一里高十餘丈上有錢王寨城基

猶在 古今圖書集成職方典 在巧山東北石姥山西南高十餘丈周

一里俗名磨盤山北爲兔山 仁和縣志 太平寰宇記言臯亭山

有石城蓋指謂此此山實臯亭支阜舊以臯亭統名之也

郭北三山志 范成大曉出古城山詩落月墮玳瑁殘星澹微茫竹輿亂清溪飛蓋入嵐光松檜霧縠濕柔麻風露

香空翠滴塵櫻何必濯滄浪山家亦早起迨此朝氣涼林
深無人聲木末炊烟蒼離離瓜芋區蕭蕭棗栗場田園古
云樂令我思故鄉墟市稍來集筠籠
轉一忙吏事亦挽我歸路盤朝陽

獨山 在縣北四十里亦名金鰲山上常有雲霧橫溪繞

其下 大清一統志 山在大雲鄉約高數十丈每出雲晴則雨

雨則晴里人占之屢驗咸淳志 以其雲出晴雨獨異于眾峯

故名名勝志 獨山高出一方旁無別山故名嘉靖仁和縣志

山頭白雲如犖絮竹雞無聲鳩喚婦團團朝日上林稍寒

食梨花溪口路一峯獨秀橫溪陰青林倒影千丈深上有

白龍蟄幽洞歲早往往能爲霖如今寂寞空山裏古

屋荒壇雜蛇虺會看六月旱生烟坎坎伐鼓相料理

三峯山 去縣北四十里其東山高十五丈周五里西山

高十八丈周四里南山高十二丈周一里咸淳志 鄉人呼爲

西南山三峯形如品字皆相去半里

舊浙江通志

石青山 在三峯山東峯之北半里突起坂中形如覆掌

上有大石如屏

仁和縣志

夏誠石青山詩山石如潑激不因苔蘚班上有千歲松下堂溪一灣露

下鶴長鳴明月如缺環

洛山 在縣北四十四里高五十八丈周一十八里

咸淳志

望洛山一名落山在縣北六十里昔有高士自洛陽來隱

此常登巔望洛故名

名勝志

洛山陡峭如削艱於登陟

胡柳堂遺稿

四面皆平原惟此山突起森聳溪流環繞迤北真勝觀

也迤南爲陡山東爲蛾眉山去陡山而東爲獐山爲俞山

西接大溪

萬歷舊志

俞乾洛山銘洛山之巔有仙居焉烟飛丹竈煉石補天洛山聯璧崑岡來脈造化

毓成攀

天柱石

蛾眉山 在縣北四十七里

太平寰宇記

鶴山

去縣北五十里高祇尋丈

舊志

超山

在縣東北六十里縣境諸山多臯亭黃鶴之支隴

此獨超然突峙因名有龍洞可禱雨

大清一統志

高三十七

丈周二里有石魚石笋

咸淳志

在黃山北山石多異形有如

人獸狀者

仁和縣志

山之巔俗名天門門內爲龍王廟廟後石

最巉巖狡獸不敢越俗名跌殺虎山上有石蠶生焉

郭北三山

志

卓明竇登超山絕頂詩秋空鳥道極高寒兩腋天風

化羽翰飛步直凌雙柱上銀河咫尺側身間肩偃膝屈歷

千灣絕磴懸崖不易攀身世恍凌天閣上東南海色在眉

間

呂需登超山絕頂詩春盡山行蔽酒瓢松聲催我上

峇巖排空怒日崩雲出徑轉新亭接嶽起一鷗懷烟蕨虎
豹半天清響落簫韶振衣獨立渾遺世極目蒼茫江水遙

龜山 超山稍北半里爲龜山高二十丈周一里又北爲

馬鞍山高四十丈周四里仁和志里中無他山便以龜馬諸

山爲巒岫其實皆土阜耳

舊志

丁山 在超山西南二里高二十丈周廻二里古今圖書集成

典自丁山湖折入支港東行里許水又增濶廻汀曲渚之

間丁山在焉松竹蒙密其外村落環繞塘棲志畧陸鳴

閉遊小湖日曙色動波光細竹圍山翠幽花夾路香
疊收新婦喜穀播老農忙轉過斜橋畔林疎見草堂

按臨平塘棲間有丁山凡四此其一也一在小林村茅

山西縣志亦載今已凌替但有僧菴曰丁山菴一在五

雲星橋東北下亦有小湖一在塘棲鎮南因明丁養浩
父築讀書莊得名高只尋丈里人專呼爲丁山而於此
稱小丁山焉諸山俱渺小土阜可不登載以地近名同
易致淆混因連及之

白栗山 高二十丈周里許直走溪河其麓爲白栗橋

志畧 吳引嘉同 戴原邇 白栗山 開眺詩 開冬 景氣 關茲
晨幸 偶值 明遠 如清 秋林 光淨 逾拭 川谷 屢紆 盤陘 視遂
峻陟 峭石 憑飛 鵬披 矜引 勝特 中坐 蕩蕩 喧俯 仰興 無極
所慮 短晷 馳岩 整飲 曠色 翳少 暇日 多樂 事頗 難得 稍解
尋山 游萬 緒何 偏仄

東山 在縣西北五十一里高二十六丈五尺周廻七百

九十三丈六尺 古今圖書集成職方典 杭州之勝龍山據其首東山

臥其背

西征記

橫峰山 去城西北五十五里高一十五丈周圍五里

成化

舊

志

馬嘯山 郡國志昔吳伐越至此山遇大風車破騎死有

馬嘯呼求其主遂名

咸淳志引太平寰宇記

馬嘯亭市石膏諸山舊

志所有於今無攷

萬歷舊志

按馬嘯事見越絕書水經注云谷水經鹽官縣故城谷

水右有馬嘯城方輿記要謂海鹽縣治東南吳禦城卽

其遺蹟於仁和縣無可攷寰宇記本與亭市石膏二山

並載錢塘縣咸淳志合兩縣山爲一卷不標明何縣附

識於此以備叅攷

中峯 月巖之左爲中峯峯後爲仙姑洞醉臥石放光石

西湖游覽志 中峯亭下巨石峭拔瓊瓏中空如堂戶曰通明洞

洞頂穿一石術通人往來寬處有深窩壁鐫石門及飛龍

仙窩等字由石壁升窩所經階級曰上天梯聖果寺志

梯詩小傘輕包手自攜少需脚力過危梯入門失問翁高姓看盡壁間前後題張大純登中峯詩雨霽山橫翠風旋花覆紅刺竿依木杪似梵出雲中竈焙新枚茗畦分晚種秋坐來泉石古客袂濕空濛

按咸淳志不紀中峯而云鳳凰第二峯有白塔塔西小

徑青石崔嵬夾道皆峭壁中穿一術人可往來名曰石

術好事者多題名其間蓋卽此矣所云白塔卽故崇聖

塔成化志亦謂之白塔石衙峯之麓爲勝果禪寺今俗

呼勝果山

蓮花峯

在佛石山南其峯回向黃鶴山下有蓮花塢

仁

縣志僧大慧於蓮華峯左累石編茅署曰蓮華窟其前有石

翼然如飛雲之狀名飛雲巖有泉瑩淨潔白從石底細竇

湧出其味如醴名天乳泉有池形如泮壁名半月池

武林

蛤蟆峯 在臨平山西安隱寺東以形似蛤蟆爲名

仁

月巖 鳳凰山有石如片雲拔地高數丈將巔有一竅徑

尺餘名曰月巖惟中秋夜月穿竅而出十四十六則外此

竅矣餘月尤斜

七修類稿

羣玉瓣瓣攢立宛然如削

聖果寺志

月巖詩素娥飛下碧霄間別館嵌空萬仞寒不是高懸青
玉玦直疑斜捧爛銀盤雲根撲朔兔相似灌木參差桂一
船說與長風休送下千秋留與往來看馬臻爲僧賦月
巖詩二首高巖挺雄姿本根插地軸青天月飛來炯炯照
幽獨我常觀竅妙識此真面目理愜心自知慎勿語流俗
明月無古今寒巖何今古體用元不殊明晦從吞吐既不
殊本根疇能畏風雨持此問虛空虛空定相許

大石巖 獨山北有巨石形若踞虎高一丈圍大三丈名

大石巖

萬歷舊志

雲梯厓 黃鶴山巔高千丈泉飛數百尺嶺峻而人跡罕

到俗呼爲雲梯厓泉爲白玉泉

武林志

積鐵厓 在臨平山西安隱寺東卽錦屏石也以杜子美

有壁色立積鐵句故以名此崖

仁和縣志

萬松嶺 夾道栽松白居易詩所云萬株松樹青山上方

勝覽在和寧門外孝仁坊西夢梁州城既改平爲大塗松存

無幾雍正八年以茲嶺爲會城來脈所關宜培蔭木補植

萬松復遺舊觀西湖志黃裳自萬松嶺之龍山詩駢駢

何處樂龍山前有集虛菴車蓋與雲參控景金漿尚未能穿過竹林中秋夜况是樓居最上方一片江山果奇絕却看明月是

尋常

八蟠嶺 在大內之後與萬松嶺接咸淳萬松嶺右有八

蟠嶺過北而南達月巖嘉靖浙江通志王昇八蟠嶺詩

失意草長不知名遊客能遺俗居民指舊京浮屠天末起瞻望忽傷情

按今皆以錢塘三台小山嶺爲八蟠嶺此嶺少知之者

赤岸嶺

去城東北四十五里石姥山下

成化舊志

赤岸嶺有

赤岸塢

仁和縣志

方回泊赤岸微曉詩下舟北闕隸泥水何狼籍誰披一破傘陞既兩敗服俗諺雨夾雪

未易得休息大雪復大雨造物詎容結繩師所見質修廣
僅數尺而我凡五人臥處何太窄初過翠亭山漸近臨平
驛有酒二三壺聊以慰僕屬吁嗟歲云暮何苦事行役馬
騶壯志已阮籍窮途迫永夜不復眠孤蓬滴雨滴天地豈
不大一葉寄茲夕孫洽自赤岸至大嶺詩杖策尋幽徑
閒行僑侶稀羣峰青黛合遙海白雲微隱者桃源路山僧
薜荔衣從茲五嶽去長嘯竟無歸

石姥嶺

在肇元鄉高五十餘丈

咸淳志

馬鞍嶺

在翠亭山東去城東北二十里

嘉靖仁和縣志

從山南

跨山而北俗名小嶺而呼黃鶴嶺爲大嶺

仁和縣志

按今翠亭黃鶴間惟有大小二嶺潛志以石姥嶺卽馬

鞍嶺不錄馬鞍而沈趙二志又皆不錄石姥

黃鶴嶺

去城東北四十里佛日寺前

成化舊志

在黃鶴之西

皇亭之東始由皇亭東麓而升轉出黃鶴山春人謂之大

嶺南通運河北達塘棲

仁和县志

石目嶺

在桐扣進路長半里南通運河北達佛日寺

古今

圖書集成職方典

斷嶺

在臨平山西蔡京墓父于此京敗靖康元年詔鑿

破之

仁和县志

按鑿山之事出自蔡氏癸辛雜志言之甚詳沈氏臨平

記謂洪武使信國公湯和破壞之乃時俗流傳之誤

黃犢嶺

在安隱院後唐邱真人每乘黃犢采藥故名

咸淳

志

邱丹酬韋使君詩有側聞郡守至特乘黃犢出句後之

企丹者取以名嶺以爲實事則泥

郭北三山志

呂絃黃

塵隔遠林閒乘黃犢出踏破白雲深自得忘歸樂應多即

角吟如今秋草裏幾約與僧尋

邱駒黃犢嶺詩昔人乘

犢去道嶺白雲封蘿黑千盤雨風喧萬壑松古祠

鳴伏翼陰壑螿蟠龍倚杖燒丹地神仙可再逢

柴婁嶺

去城北四十里洛山下

成化舊志

桃花塢

在臯亭山之西

仁和縣志

顧祖榮花塢看桃

詩桃花塢開臯亭西花自無言

山有蹊天際彩霞千樹合雲中翠髻數峰齊魚鱗光漾流

溪

清澗燕嘴香融啄紫泥若使避秦人尚在何須更覓武林

塔塢

去城三十八里在臯亭山

成化舊志

桐塢 在阜亭之西爲慧法師結廬處

檀園集

真珠塢 在石姥山嶺之西北

咸淳志

珍珠塢以珍珠泉得

名劉太尉錡謝軍政嘗閒居于此故亦名太師塢

仁和縣志

青草塢 自黃鶴山腰越梯子嶺西北爲大旗山山下曲

隴爲青草塢

郭北三山志

曲竹塢 在臨平山西

仁和縣志

故老相傳唐邱隱士丹成羽

化植杖于此其竹皆曲今僧多取以爲杖

咸淳志

按今塢中竹少而松多里人稱小松門縣志別載側足塢云在臨平山有小蘇門今無知者疑側足卽曲竹之訛而小蘇門卽小松門也

水洞塢 在臨平山北相傳錢武肅王嘗于此折松枝故

他處小松折之不長獨此處松折能復生

仁和縣志

分金塢 在臨平山東北

仁和縣志

當山盡處俗呼筭塢有

嶺路達小林

郭北三山志

安山塢 在臨平山西北三里

仁和縣志

甘墩 在臯亭山南支河中突起水心五六丈亦名龍池

整其村人皆以種桃李爲業稍西南有豐禾橋明天啟時

忽橋畔地勢搖動童然塊石出地久而漸長今石高二三

丈大畝餘村人號爲甘石

郭北三山志

金星洞 在麗正門右山界亭下因洞生金星草得名

咸淳

志 蘇軾金星洞銘寶山南麓鳳右翅驚雲劃石遁虬起
疑陰嘘陽出怪偉是生神草肖蒼虺離離赤痣挾脊尾飛
流丹石夾癘瘡金星非實特取似施
及山石亦見謂凡名相因皆此比

按此洞今無可考而中峰峭壁間有云通明洞有云仙
窩者舊志皆未嘗載疑屬古今異名

馬公洞 在水尖山東坳昔馬公築寨于此故名舊浙江通志

黃鶴山二洞 山北塢有龍洞石裂爲路深險不可窺山
之腰有黃鶴仙洞外甚狹中可容數人深窈而黑時有樵
牧蒸松明而入愈行愈遠疑有龍在焉咸淳志 仙姑洞卽黃

鶴仙洞相傳黃鶴公有女構小樓于山巔居之仁和縣志 龍洞

與仙姑洞相隔五十丈許臨平起山俱有龍洞臨平稱白

龍洞超山稱黑龍洞此稱黃龍洞焉

佛日勝記

臨平龍洞 在臨平山祥符志云自洞門至水際五丈濶

一丈五尺高一丈三尺其水深不可測禱祈多驗

咸淳志此

水龍洞也去旱洞半里餘一名白龍洞

郭北三山志趙希樞游臨平乾洞

水洞詩兩洞深如許神龍此莫居山空仙去久路險客來疎風雨千年暗雲烟四壁虛自指巉石薛閒把姓名書

細礪洞 臨平山有洞數丈出礪石

輿地志深十餘丈濶二

丈高一丈五尺

咸淳志引祥符志

陶宏景名醫別錄云越砥今細

礪石也出臨平卽此俗名旱龍洞

仁和縣志潘雲赤細礪洞詩陰洞蟠蘿上天

高望欲迷杪冬雷殷殷晴日雨凄凄杳靄三江合參差萬井低雲蒸龍注水壁立兔綠溪避跡堪高枕耽幽每杖藜

獨僧依石住誰鳥趣人啼清癯還同阮援琴亦數稀摩挲尋來蹟蒼蘚憶留題

按臨平山但有乾濕二龍洞縣志別載殷雷洞一名仙人洞亦卽細礪之別名也今不重錄

海雲洞

在永和鄉超山上有乾濕二洞

咸淳

宋趙清獻

公守杭時旱往禱雨輒應題其石崖曰海雲洞

嘉靖仁禱和縣志

雨超山者據咸淳志祠廟卷乃趙忠獻公非清獻也忠獻

名希言宋嘉定八年知仁和縣常督役臨平築隄親自捧

土投石詳見宋史宗室傳中明成化時丁方伯養浩訛傳

爲清獻且託爲清獻題洞之詩嗣後各志遂皆承襲其言

郭北三山志

丁養浩題海雲洞詩鑿石開深洞分泉勢

小池月華來海窟雲影落天涯散果猿爭拾看花雀自隨

前溪通驛道

冠蓋日相馳

排衙石 在鳳凰山右舊傳錢武肅王鑿山見恠石排立

兩行拱立趨向因以爲名及刻詩石上

咸淳志

介亭前有石

二僧自北而南長二十舉趾高踰再仍有若衙道故諺以

排衙稱

祖龍學集

臨安府署之側一山甚高錢氏拜郊臺故蹟

也山巔列石數十翠潤而堅謂之排牙石

雲林石譜陸游絕句介亭南

畔排衙石剝蘇剗苔覓舊題讀罷南豐數行字滿山烟雨共淒迷

按排衙或作排牙又作排班舊志謂之石筍林寺志謂

之隊口

三佛石 梁開平四年錢氏于勝果寺後鑄彌陀觀音勢

至三佛于石蔣之奇詩曰巋然三佛石若在嘉州岸

咸淳志

石在勝果寺後去城南二里

仁和縣志

圭石 萬松嶺書院右方上爲月岩下爲圭石其間秀石

巉巖青蒼玉削巖巖然若芙蓉之未舒隱見草莽者不可

勝紀

西湖游覽志

大石 在鳳凰山門外張灣村北空中架疊而生大如屋

者六七初時有貼沙河石在河濱喬木甚盛今河析爲私

蕩大木被伐而石如故

仁和縣志

八仙石 慶春門二里至八仙石相傳舊有巨石八方前

明潮決值此八石而退因以仙靈目之

前巡道理圖說

觀音石 橫塘東有巨石長丈餘屹立于蓮花池畔世稱

爲觀音石

五良詩集
幾年輕催施斧鑿穩自占林泉苔蘚憑侵蝕

鐘頤問石詩試問池邊石移來閱

蘿漫繞纏觀音名
號在想像不虛傳

石姥石

去城東北五十里烏頭山之東其石高五十餘

丈咸淳志

玉蟾石

佛日寺左山上有玉蟾石

佛日勝記

佛日有隱居石

雲幻石玉蟾石

臨平記

雨明石

在臨平山北面其石白色天將雨則明如水晶

故俗名水晶石云

仁和縣志

泛洋湖

在仁和縣北天宗門外

咸淳志

在豬園壩下受城

中諸河水通上塘運河正德間湖畔居民啟土出一大船

乃是泛海之舟規制甚異由是觀之是湖在昔日猶海水

所溢也

嘉靖仁
和縣志

西自猪圈壩沿城以東抵會安壩北分二

派一由覓渡橋穿河東西二村值德勝壩轉東一由施
家橋經五里塘至東新關合流注上塘河此蓋古之大澤
自歷代因築城堵禦並以諸壩截流而其形漸與凡河無

別

艮山
雜志

詔息湖 去縣十里有詔息湖故老相傳昔秦始皇巡狩

經途暫憇因以詔息爲名

太平御覽
引錢塘記

浙江北合詔息湖湖

本名乍湖因秦始皇有詔息之名也

水經
注

御息湖 在仁和縣東北十八里周回三里

祥符
圖經

明聖湖

仁和縣東十八里亦有明聖湖

咸淳志

湖則御息

明聖

萬漣錢塘賦

按二湖各志承載世遠變遷存湮莫考姑附識以俟知者

石鼓湖

在桐扣山下晉時石鼓出于岸故名

咸淳志

卽桐

扣山前塘河寬廣處

佛日勝記

石橋湖

在臨平鎮西永和鄉

咸淳志

按此湖今無所考或云卽小林西丁山菴前小湖未知是否

像光湖

在長樂鄉唐神龍元年湖有五色光明掘地得

彌勒石像乃建寺以像光爲額且名其湖咸淳志在臨平鎮

西八里黃山之前方興之北今爲像坂湖仁和志去石鼓亭

東二里湖雖堙涸猶存形模土人又呼黃像湖郭北三山志潘雲

赤像光詩湖白千峰月清鐘隔岸多葦烟漁獨宿僧飯鳥羣過

臨平湖 錢唐縣有臨平湖隋書地理志今在仁和縣界去城

東北四十八里資治通鑑注臨平湖在臨平山南太平御覽周引吳地記周

迴十里湖中有白龍潭吳志赤烏二年竇鼎現因呼爲鼎

湖祥符圖經舊名鼎湖父老相傳此湖開天下太平故名臨平

舊志浙江又東合臨平湖傳言此湖穢塞天下亂湖開天下

平水經注湖在山東南五里唐宋時湖水皆直至山下南宋

爲運道所經中有白龍潭風波最險紹定中築塘以捍之

曰永和自是患漸息

讀史方輿紀要

西湖與臨平湖並謂之錢唐

湖臨平稱錢唐湖者本晉書陳訓傳舊本合爲一流以注

之江者也

神州古史攷

水經注謂浙江合臨平湖經槎瀆以入

于海槎瀆與臨平湖相連去江則三十餘里而海在其東

南非入海處也据今則其說爲不合論其大勢亦以後來

築隄捍海久之江漲遂成平陸耳桑欽漢人酈道元後魏

人迄今千有餘歲陵谷變遷有不可得而知者

成化舊志

臨平湖又名石函湖又與西湖相對名曰東湖又稱東江界于

仁和海寧之間有四閘唐白居易嘗議儲洩爲灌田用舊

稱湖大三千餘畝今久塞人家多佃爲桑田魚也

仁和县志

德輿臨平湖夜泛詩素彩皓通津孤舟入清曠已愛隔簾
看還宜卷簾望隔簾卷簾當此時惆悵思君君不知
祜臨平湖詩三月平湖草欲齊綠楊分映入長隄田家起
處烏龍吹酒客醒時謝豹啼山檻正當蓮葉渚水陸新闢
稻秧畦人間漫說多岐路咫尺人家路不迷張昱船過
臨平湖詩船過臨平欲住難藕花紅白水雲間只應一霎
溟濛雨不得分明看遠山毛先舒臨平湖秋望詩東湖
日落水粼粼水國秋寒露白蘋寶鼎石函何處問茫茫
草倦遊人

丁山湖 在仁和縣之永和鄉

咸淳志

在丁山下汪洋數百

頃遠浮獨山近接超山其最勝處有三曰盤洋曰洪家漾

曰紅沉潭

塘棲志畧

海門 在縣東六十五里有山曰赭山與龕山相對峙潮

水出其間郭璞地記海門一點巽山起又曰海門筆架峰

巒起指此

咸淳志

按咸淳志疆域卷云仁和水路東南自湯村塘至赭山石橋抵鹽官時赭山爲二縣交境故于仁和載海門今山則專屬海寧州矣當由明永樂時仁和湯村白石鮮舡渡等浦皆陷于海而赭山遂孤懸海南仁和難於遙領改屬海寧耳然成化萬歷諸志俱無明文今仍其舊

詳見海寧州

外沙河 錢塘縣南五里有沙河塘咸通二年刺史崔彥

會開

新唐書地理志

昔潮水衝決至于奔逸入城勢莫能禦故開

沙河以決之河有三曰外沙中沙裏沙

施宿蘇詩注

景龍四年

沙岸北漲地漸平坦州司馬李珣始開沙河水陸成路事

見杭州龍興寺圖經

演繁露

白居易寄題餘杭郡樓有北郭

沙隄尾句是長慶時已有沙河隄矣晏殊輿地記謂咸通

二年刺史爲崔亮亦與唐書不同

艮山雜誌

外沙河南自永昌

門繞城東北過永昌壩螺螄橋東至蔡湖橋北連慶春門

沿城轉西至會安壩下艮山河入泛洋湖轉北至得勝壩

東與上塘運河相合

成化舊志

前沙河 在慶春門東其東南接外沙河北達後沙河可

通湯鎮赭山仁和鹽塲

大清一統志

外沙河北水陸寺前入

港通湯鎮赭山東坡嘗于此督役開河

咸淳志

水陸寺去外

沙河半里而近今寺前無相通水口咸淳志載寺北有韋家廣度等橋今亦不聞蓋前沙河卽外沙東播支港自元末以外沙爲城濠截斷而前沙之源已堙矣寺去湯鎮三十餘里今泛運者必由後沙歷赤岸施何等河不得逕達之道蓋明永樂時慶春門外大水白石湯村等浦俱陷于海前沙河當亦爲潮沙壅塞矣求其遺跡之可驗者惟水陸寺東二里許周家黃姑等橋與後沙河相貫輪處似猶爲其支派而已

艮山雜志

後沙河 在艮山門外壩子橋北

咸淳志

南接城內運河北

達蔡官人塘河

嘉靖仁
和縣志

此河卽外沙河之下流自艮山轉

西過今會安壩注泛洋湖舊亦稱艮山河初未建會安俞
家兩壩時山之側原有一壩謂之壩子俗所以呼艮山門
爲壩子門自壩以北別具後名其水東分一支過永濟跨
塘顧家三橋轉北自鄭家麥庄橋至石斗門又自鄭家橋
東北過邵家揚嘉白石寺橋至姚斗門二斗門所以遙輔
壩子功用均後沙蔡塘兩河之高下者也自元末展拓城
基倚沙河爲濠而壩子廢外沙後沙遂渾合爲一東出支
水別爲俞壩截出勢乃與蔡塘河平二斗門亦以無用見

廢

艮山
雜志

蔡官人塘河 在艮山門外通九里松塘姚斗門何衙店

湯鎮赭山

咸淳志

西南接後沙河東北達赤岸河

嘉靖仁和县志

蔡

官人宋里人蔡汝揆也咸淳志載其墓在太平鄉華林里

塘東今打鐵關西南石塘卽蔡官人塘也水自泛洋湖東

分至打鐵關爲河受源之所故統一河被其名東北流過

福德姚店督魚錢下馮家諸橋由橫塘達于赤岸自姚店

南湖爲石斗門錢下南湖爲姚斗門二斗門所在卽故九

里松塘逾斗門則與沙河會矣其于湯鎮赭山今皆亂赤

岸施何兩河以達本河無可通路恐亦因江患變遷也

艮山

雜志 鄭江蔡塘河舟行詩出郭沾微雨清川盪小舟鳥
樓原上樹人倚水邊樓徑草通春畝籬花媚素秋沙河曠

稍北最稱
結廬幽

赤岸河 在赤岸南自運河入通高塘橫塘諸河咸淳志去

城東北三十五里其西接蔡官人塘河東北達施何村河

嘉靖仁
和縣志赤岸嶺下一水自上塘南湖二里許爲祿加橋岐

爲二西流過丁橋四圩匯至于橫塘與蔡塘河會東流歷
九曲觀音橋至和陸連橋與施何村河會其南流通義橋

高塘梅家壩等處尺山
雜志

施何村河 在桐扣山下水澁堰東自運河入通裏外沙

河地有姓施姓何人居故名咸淳志在城東北四十五里北

達于方興河嘉靖仁
和縣志水澁堰在桐扣嶽廟渡稍西水自此

過八字橋絕槎溪再過後河保安紫口諸橋抵黃濠塘其
經流也支別者三流一自八字橋東北抵獨托廟一自槎
溪東北抵良墅皆與方輿河會一自保安橋東南抵湯鎮
在古可與前沙河會今前沙河下流淤塞不復通矣

良山
雜志

方輿河 在臨平鎮東自運河入通像光赭山湯鎮

咸淳
志

去城東北六十里通長安壩

嘉靖仁
和縣志

自安隱寺西方輿村

入港南過良墅廟東岡橋方橋眾稼坂刹竿廟安樂橋至
于湯鎮東流自刹竿廟過飲馬港羊潭壩九墳大覺菴十
字港轉北由義橋界牌橋達海寧境是河受源處屬臨平
鎮西舊志云東就其大體言也

良山
雜志

按自上塘東南一境農田灌溉悉資赤岸施何村方興

三河雖皆發源于上塘而支分派別不復與上塘關通

上塘河 南自天宗水門餘杭水門二河合于北郭稅務

前由清湖堰閘至德勝橋與城東外沙河菜市河泛洋湖

水相合分爲二派一由東北上塘過東倉新橋入大運河

至長安閘入嘉興曰運河咸淳志南宋運道俱自長安入良

山水門抵東新河而止此其故道也讀史方輿紀要上塘河舊名

運河一名長河一名夾塘河西自德勝橋抵長安壩南通

外沙河前沙河後沙河與蔡官人塘河東連赤岸河施何

村河方興河兩岸田土何止千頃嘉靖仁和縣志范成大暮春上塘道中詩店

舍無烟野水寒競船人醉鼓鬪珊石門柳綠清明市桐口
桃紅上巳山飛絮著人春共老片雲將夢曉俱還明朝遮
日長安道慚媿
江湖釣手閒

下塘河 一派由西北過德勝橋上北城堰過江漲橋喻

家橋北新橋以北入安吉州界曰下塘河咸淳志至江漲橋

與子塘河合流咸化舊志高九萬下塘詩二絕河水新
添三尺高河邊蘆葦有龜巢波流夜夜飄

魚箔空點籃燈照樹梢日出移船日又斜蘆根時
復見人家水鄉占得秋多少兩岸新紅是蓼花

東小河 自謝村新運河入而東支流不一合爲東小河

直北至永和鄉巧山亭子小林東抵臯亭山雋堰金家堰

一帶北至獨山橫溪瓜山泰山超山吳下白鶴渡桐扣唐

棲前漳五杭落瓜墓博陸等處其港汊皆西達新運河東

至上塘北接崇德縣界廻通轉杏乍分復合瑣屑支離橋

梁約計千百難以悉書

成化舊志

徐士俊東小河詩風
裳水佩若爲裁東小河邊望眼開

莫道聞歌人不見

荷花深處蕩舟來

子塘河 在江漲橋稅司北爲斷河頭北行經米市橋入

清水潭過左家橋西達餘杭塘河北達新開運河其源則

自清湖南北斗門爲多

成化舊志

今自江漲稅司落陡門橋陡

門開經望佛橋進范婆橋南至新河壩夾河北流入清水

潭

舊志

新開運河 下塘河西北接新開運河至塘棲鎮入石門

縣界元末張士誠以舊河窄狹自塘棲南五林港開濬至

江漲橋因名新開運河亦名北關河

本朝康熙四十七年重濬

大清一統志

浙西運河自臨安府北郭

務至鎮江江口燠六百四十一里

宋史河渠志

在北新橋之北

通蘇湖常秀潤等河凡諸路網運及販米客舟皆由此達

于行都

咸淳志

自北郭務至謝村北爲十二里洋爲塘樓德

清之水入之踰北陸橋入崇德縣界

明史河渠志

杭城北至嘉

興府城一百八十里又三十里入江南蘇州府吳江縣界

又北至鎮江府京口古稱八百里平江

水道提綱

其源有三一

自城西北三里西河壩上承西湖之水一自城北三里德

勝壩上承上塘河之水俱滙于府北之江漲橋又餘杭塘

河之水亦由江漲橋西北以會運河出北新關至塘棲鎮接嘉興府界此河卽江南河也隋大業中將巡會稽乃發民開江南河自京口至餘杭八百餘里後代因而修之以通漕運

讀史方輿紀要

地有三里漾十二里漾蘆叢水濶向爲盜

賊淵藪正統七年巡撫侍郎周忱相度便宜築堤岸一萬三千餘丈水陸並利行旅無憂

嘉靖仁和县志

宦塘河 去城北三十五里宋淳祐七年安撫趙與憲開

南接北新江漲橋河北達奉口河

成化舊志

仁和河渠之大者

有三上塘下塘與宦河也

萬歷舊志

奉口河 去城西北四十五里西南接錢塘奉口大溪西

北抵德清縣界

成化舊志 貢奎宿鳳口會九萬兄詩扁舟下滄溟日暮浮雲散青山袞袞隨十里

行不斷古屢集人烟穢纒臨絕岸誰知兄弟情遲迨忽相見篙師輕波瀾呼嘯驚夜半貪情慮涉險欲往還自算推遲視天宇白露下零亂衆星亦已沒落月微破暗念此局促身倏然重三歎 陳基鳳口詩溪塢晚含風小營夜依谷棲鳥息復驚歸雲斷還續畫舸止宵征連艫銜尾宿戍鼓雜鳴笳秋聲一何肅 夏誠奉溪春漲詩春山三日霖新漲一篙水曉命把魚竿扁舟弄清泚曠望極瀾漫增劇魚龍喜

按奉口字本作鳳据白樂天詩亞竹亂藤多照岸如從鳳口向湖州今作奉以聲同致誤

古渠 鳳凰山萬松嶺旁舊有古渠宋乾道七年守臣吳

淵復萬松嶺古渠嚴禁侵占是也

讀史方輿紀要

曹家渠 在臨平鎮西南甃石爲鏡于運河之下洩渠水

暗注下河俗呼河底河灌田計三千七百畝宋時以賜佑

聖觀故至今觀中納稅

仁和縣志

鎮南腴田千畝去海僅數里

屢受鹽水之苦因于運河之底鑿爲石筲溢則洩于下河

而田賴以有年初建不知何代雖有勒字漫滅不可考可

考者宋慶元元年十一月景定三年九月重修元至元三

十年大德元年增修其製法固奇秘而易壞是以屢煩鑿

鑿然自大德至今三百六十餘年堅好如故可謂良工善

事矣

臨平記

臨平曹家渠筲法最妙蓋南來之水欲向北流

入下河而東西水橫亘其中併入則易溢併瀉之則易涸

欲令自入下河而于橫水無所損益乃于橫河底作一直

隧隧之南際建石閘視水滿淺以爲啟閉南來水從閘歸
隧暗渡而橫河自流隧上無所混合橫河之北爲塘分上
下河高低之界隧道北際乃從塘下瀉水真良法也但隧

道甃砌須極周密少有滲漏便瀉上河之水而害大矣言小

鮑茂芳曹家渠石笕詩甃石青苔下喧喧萬井前腴饒
喜今日疏鑿自何年暗水穿河黑崇堤障海偏沿流楓葉

赤落照

淡人烟

槎溪 在槎渡村嘉靖仁
和縣志明初張行中與游覽志餘云仁

和槎溪人而溪今不著惟官莊後河橋北有四橋相向西
曰槎度東曰槎溪南曰永樂北曰豐樂里俗摠共呼之曰
和睦連橋其橋下東西水道自丁橋東達方橋者似爲古

槎溪矣水經注云浙江東合臨平湖又東經槎瀆成化志云槎瀆與臨平湖相近去江則三十餘里槎瀆疑卽此溪是也六朝以前江海貫輸于此名之曰瀆海道旣徙水漸湮塞所存僅一溪徑遂名曰溪而或稱槎度者度爲瀆音之轉語有輕重耳

艮山雜志

謝溪

在半山去城三十里

嘉靖仁和县志

今半山廟後有泉出

自山頂曰靈泉下注成溪流達于上塘河當卽縣志所謂

謝溪

郭北三山志

義溪 仁和縣北三十里有溪曰義溪宋嘉定中有陳氏

廬者廬于溪上

誠意伯文集

橫溪 在獨山之北旁皆藕蕩菱灘夏日榆柳陰森蓮荷

菱芡紅碧相間人家隱約于迴洲合浦間桑畦禾畝遠近

相映舟艇出沒烟波渺茫儼如畫幅其流西達于新開運

河成化舊志鍾順橫溪泛月詩良友愛良夜艤舟樂羣

仙新聲極清雅美味羅芳鮮荷香泛微風水光浮淡烟

與開棹歌回明月猶在天

潭溪 在豐年鄉嘉靖仁

和縣志

浣紗潭 在縣臨江鄉咸淳志在今慶春門外附城之地葛

澶錢唐賦云潭則浣紗玉兒舊志

鉢孟潭 太平鄉石塘之東有潭曰鉢孟咸淳志張元

與鉢孟潭上寄

友詩蔡公木娘菴潭邊魚梵靜當年寸草心波月迴孤
映石蘿風自颺魚浪雲不定止水君自知直釣我何競

洋缺潭 在艮山門外臨江鄉咸淳志 夢梁錄作羊鐵今俗

呼潮衝潭在白石廟東艮山雜志

龍游潭 在肇元鄉阜亭山時有蜿蜒出沒其間鄉人稱

爲水甕亢旱禱必雨

咸淳志 屬鷄入桃花塢觀龍潭詩 益裏何年咒蜿蜒入厨剖竹走涓涓

癡兒不識神龍宅 只道山中一斗泉

按成化志作龍游洞

白龍潭 在臨平鎮東湖舊有龍王廟紹興十四年四月

水衝壞塘岸版築不就禱于潭重立廟乃成咸淳志 永和塘

俗名三里險卽所謂白龍潭是也成化舊志 白龍潭屬海寧界

參寥所謂但看黃鶴山頂雲化作白龍潭上雨者是也仁

志縣元豐時靖海姚口判杭州州東白龍潭岸善决姚至爲

捍水隄民田賴以有年見黃山谷集姚公墓誌各志乘皆

朱載

郭北三山志 潘士振白龍潭詩神龍不在
水或躍在峯頭潭影空涵月清光映素秋

金剛潭 在塘棲近跨塘橋有古塔基今建三神閣爲一

鎮鎖鑰舊志

橫潭 橫亘市偏乃塘棲鎮山水獻秀之所景物清曠看

月尤宜

塘棲志 望烟波渺難越涼風吹動木蘭舟月明處處菱歌

發菱歌乘月起中流隱隱簫聲動畫樓簫聲菱唱音相亞
橫潭月轉金波瀉月轉金波泛濫過夜深搖落秋風多獨

憐天末佳人晚秋水芙蓉愁奈何

鳳門泉 鳳凰山有鳳門因以名泉

舊志 泉詩石

周文璞鳳門根兩眼北流

泉孔竇潛通御井邊飄出宮
花人不識又沿衰草下山前

郭公泉 在勝果寺右出嵌竇間多不盈躬而久旱不涸

明正德時僧明秀更名爲許僧泉

仁和縣志

周公惠泉 一名北牖井在湖墅下閘宋乾道三年周安

撫淙重修邦人德之遂名

成化舊志

志書泉 武林門北妙行寺有雙井名志書泉泉甚甘冽

成化十一年纂修府志開局此寺適與泉名冥會

古今圖書集成

職方典

雨花泉 單家塢大石玲瓏水從石出今謂之雨花泉

仁和

縣志謂雨花泉卽游龍潭誤也游龍潭在桃花塢孤舟

菴內山壁下止水僅二尺許雨花泉在塢東二里淨信寺

南有菴曰雨花菴其泉頗大流注于上塘河

郭北三山志

噴玉泉 在臯亭崇先寺後味最清佳石壁舊鐫噴玉二

字 桐溪講堂別錄

珍珠泉 顯寧寺方丈之前有泉焉用石甃之方廣三丈

許清冷泓澄可鑿毛髮以足蹋地則泛湧如珠故名珍珠

泉 寶舉堂集 玉暉珍珠泉銘 維山之靈鍾于顯寧泉如

玉蘊泛作珠形混混而出寂寂無聲既澄且潔亦滌塵情繫此珍珠匪時勿見以足蹋地遂乃累貫非開虎跑豈屬龍獻月落星沉幽香不變

留月泉 在黃鶴山西 仁和县志 沈謙出鶴峰慈留月泉詩 精藍春已半 物外恣盤桓 壁

峭雲應礙泉幽月更寒 煮茶燃野竹脫帽坐風湍 底事忘歸去 深知行路難

金沙泉 在永和鄉東坡詩云細泉咽咽走金沙夢梁錄

龍藏泉 佛日寺西南源也自龍床諸澗繞寺佛日勝記山形

如狻猊有石龍在溪左右頭口相對泉從口流晝夜如吼

名雙龍泉又名龍床泉武林梵志

安平泉 安仁西鄉安隱院有池名安平泉今池邊有亭

咸淳志 吳氏著泉品錄天下名泉獨遺武林不知武林自有

名泉如安平泉在臨平東坡詩當時陸羽空收拾遺却安

平一道泉是也萬歷錢塘縣志蘇軾題安平泉詩闕說

知何代種出菱花不記年烹茗僧誇甌泛雪煉丹人化骨

成仙當時陸羽空收拾遺却安平一道泉 李進和東坡詩韵寄題安隱泉上三載不遊安隱寺夢中山色尚蒼然

松根煮茗延春晝壁上題詩記昔年已信東坡爲五祖還

疑太白是神仙清風兩腋難飛去槐火何時試石泉
毛先舒安平泉詩入水何曾見清冷將及茲乳膏滋寶地芳
露湛靈池始覺空心妙應嫌漱齒遲寒疑凝石髓香訝潤
松脂好茗山僧煮還丹隱士爲界沙塵不染近幽味難虧
湖淺寶鼎沒山平石鼓移何當駕黃犢終日弄漣漪

檀泉 在臨平山下崇正時一夕大雨龍拔檀樹遂成泉

仁和縣志 張琮檀泉詩一勺梅檀水涓涓斷壑前已知
流出處不記發潛年竹筴分蒼雨桐花映碧川偶攜瓢試
飲甘冽
等平泉

煉丹泉 在臨平山北一里景星觀前相傳爲葛仙翁煉

丹井明嘉靖隆慶間有潘真人者亦煉丹于此順治十五

年里人甃作方池味遂減于前
仁和縣志陳郁話腴云景星觀

有邱真人祠祠有丹爐咸淳志云安隱地生曲竹竹間有

丹井唐邱隱士羽化于此二說小有不同而景星觀卽在安隱寺北則觀中丹竈丹井皆爲唐邱丹遺蹟可信也牽引及葛仙翁殊可不必

郭北三山志

孟姜泉 在臨平鎮西一里許家庄東有孟姜二姓同居

故以名泉

仁利縣志

冰谷泉 在臨平山寂光菴側

咸淳志

泉在安山塢中久爲

泥淖自郭伯翼始珍之建山舟于其上而泉名爛矣

臨平記

洗馬池 在鳳凰山下卽宋大內洗馬處

舊志

城南二里鳳

山右翼下故宋有馬廐于此

咸化舊志

飲馬池 在菜市門外廟子灣

咸淳志

華家池

大百畝洪武初艮山門外富民華興祖構亭榭

其上周植奇花異木鎮守都督藍公見而欲之興祖不與

尋致籍沒至今水陸寺前遺有此池

嘉靖仁
和縣志

滌月池

在草塘辨利院後明隆慶二年五月池中發光

涸之得石幢長四尺上有宋淳熙八年刻文

辨利院志
釋能潛滌月

池詩種竹梳清風開池滌皓月藍浪展銀塘練影生林
樾人吟金波寒魚聽華鐘磬獨立空明中有法向誰說

躍龍池

壽聖寺居仁和東北安仁里謝家塘寺前有池

龍以時見遂以躍龍名之曰雨曰暘隨禱隨應穆陵聞而

嘉之明禋虹節四季朔辰宸香必降

廣溪十
一稿

浴龍池

在皇亭崇先寺宋高宗常洗手于此故名

古今
圖書

集成職方典 釋道盛浴龍池詩枕流漱石亦何心苻
帶萍花何處尋夜靜月明風在樹坐間澗下有龍吟

龍池 去城東北四十里黃鶴山上池或出雲則雨成化舊志

渥洼池 佛日淨慧院庫堂後有池池中有渥洼泉出石

鎮中東坡題句所謂不堪土肉埋山骨未放蒼龍浴渥洼

是也乾道壬辰南歸錄 潘雲赤渥洼池詩名泉藏
梵宇光怪映斜暉神駒不可見雲裏一僧歸

按咸淳志紀黃鶴山云巔有龍池一名渥洼似渥洼卽

龍池自成化以後諸志皆分載攷周必大鮮于樞並云

渥洼在佛日庫堂今龍池見在山巔地並不同是分載

誠不誤矣

磨劍池 在臨平山下有片石俗傳錢王磨劍于此咸淳志

今俗稱鑄鐘潭當安隱塔院盛時鼓鞀于此亦未可知郭氏

正誤 羅吉臣劍池詩古池餘劍彩故老說錢王不見風

雷吼空留草樹芳清秋泉感沸靜夜氣蒼茫帶甲江南滿

登臨幾

斷腸

藕花洲 臨平山下有藕花洲卽鼎湖也咸淳志去城東北

六十里在臨平山安隱寺後成化舊志後人以參寥詩名其洲

郭紹孔曰洲當是白洋筧一路蓋運河止水如杭城北濠

例亦可種蓮一統志又云景星觀在臨平山下與東嶽行

宮峙立兩旁有藕花洲則洲又當在鎮北今惟放生池在

焉未知終屬何處攷白洋筧在安隱西而成化志亦云藕

花洲在安隱寺後則前說爲是仁和縣志潛志謂卽鼎湖蓋北

宋時未有永和一隄湖水直通山下凡山東南迴汀淺渚

度可種蓮之地悉得以洲稱之而安隱寺西不與焉觀楊

誠齋蓮蕩四詩可堅信潛氏鼎湖之說郭北三山志吳

寄聲聲慢詞六銖衣細一葉舟輕黃蘆堪笑浮槎何處汀

洲雲閣錦浪無涯秋姿淡凝水色艷真香不染春華笑歸

去傍金波開戶翠屋爲家回首紅粧青鏡與一川平綠五

月晴霞頰玉杯中西風不到窻紗端的舊蓮深意料采菱

新曲羞誇秋嫩灑對年年人勝如花

蓮蕩 見楊誠齋詩及葛立方詞集似卽臨平湖一隅所

謂藕花洲者郭北三山志楊萬里過臨平蓮蕩詩四首

一張蘆箔不遺漁蝦過別塘蓮蕩中央劣露沙上頭更著

野人家籬邊隨處插垂柳簾下小船繫釣車朝來采藕夕

來魚水種荷花岸種蘆寒浪落時分作蕩新流漲處合成

湖人家星散水中央十里芹蕪菰飯香想得薰風端午後

荷花世界

柳絲鄉

鷺鷥灘

在艮山門外河西

松壑詩集注

王修玉鷺鷥

朝暉暗戍樓千畝青黃臨渡口一峰蒼翠出城頭天寒鴻雁排雲遠水落鱗魚上石游欲就蘆中問漁父釣竿懸處

忽鷺鷥

茅灘

乾道四年十月殿前司言相視湯村龍王堂東江

岸茅灘一帶平地可作教場已修築將壇十六日車駕至

灘上教閱隨于赭山打圍射生淳熙四年十二月慶元二

年十月俱大閱于茅灘

宋史禮志

茅灘大閱事李心傳朝野雜

記王應麟玉海周密武林舊事皆詳識之周紫芝集有觀

大閱詩湯村海陷後無蹟可攷

艮山雜志

廟子灣 在便門外渾水關東有平濟廟咸淳志 郭祥

薄昏洲渚鷗鳥靜 涼網漁家燈火紅 盡道龍歸井水濁 明朝願借一帆風

沈家灣 沈塘在北關門外又名沈家灣夢梁錄

龍居灣 宋高宗曾停宿于永慶院故其山名龍居灣和仁

縣志明萬歷時釋廣印與復永慶改額曰龍居菴取釋典龍

象共居之義詳見圓澄語錄宋高宗說似未可信郭北三山志

李流芳過臯亭龍居灣同諸上人步月詩二首歸裝出西湖閒過向黃鶴屢愆桐塢期偶逐龍居諾輕舟凌晨風遙山滿晴郭丹林尚可數寒條紛無託披松詣微徑聽水捫暗壑新構爭遠勢平臺覽搖落霜餘山容浸天清海氣薄暫歇塵勞心始知寂滅樂每多方外遊見僧卽如故燈明一龕下夜長愜深悟不知山月上千林已流素出門尋舊溪愛踏松陰路氣和空宇澄寒魄如春露去寺不數武回嗚驚莽互幽泉洗我心微鐘杳然度

郭公井

在萬松嶺下

咸淳志

相傳晉郭璞所鑿者其時杭

皆濱江斥鹵難得甘泉故地脉非郭璞不可識

西湖遊覽志

桐井

卽葫蘆井

宋宮井在寺之東南園與萬松嶺相近桐蔭

清涼水味甘美

報國寺攷古錄

釋德祥故宮井詩上有千尺桐下有千尺井風吹井上桐零落水

中影

甜瓜井

在宋時六部前近鳳凰山

嘉靖仁和县志

靈鰻井

在鳳凰山南塔寺一曰聖井先是四明阿育王

山有靈鰻傳云護塔神也後迎舍利歸杭鰻遂不見錢氏

乃于寺廊南鑿石爲井而鰻常現井中僧錄贊寧有鰻井

記刻塔石上

咸淳志

范成大鰻井詩決梵神通未易論雨聲留客夜翻盆不辭客路青泥滑且足秧

田蕪

水痕

觀音井 在菜市門外湯鎮路上有亭

咸淳志

按在黃濠塘觀音院前今俗訛黃濠塘爲黃天蕩

丁蘭井 在赤岸西潤玉亭下其地卽丁蘭故居

仁和縣志

馮氏井 在仁和縣舉亭山宋馮氏子所居發土有古井得石磚八十有四有刻文曰咸和八年十月丁丑朔十日

馮氏作皆篆文

佩文齋書譜

蓮花井 在小林蓮花院

古今圖書集成職方典范光蓮花井記臨平山後數十里井

幽惡余客小林四面散汲其味略同日與范右之蔡及之納京蓮花院院有三井扣僧執勝僧指露井最良余亟取烹茗清甘寒冽自是日走蹙奴二嬰斬不輕廢品此泉爲小林第一井有神焉亦喜自賀吾不復將百味矣雖然唐

人云除却借書沽酒外更無閒事擾公私余嘗長斯邑頗以不擾見思別十年矣行旅如歸今以汲水擾人乎及之笑曰亦君甘棠加封殖爾何愛數語以記斯井之逢趙昱南宋雜事詩十里山隈散客襟芹芽菰米趁幽尋雲甌初泛蓮花院第一甘泉記小林

天井 在臨平山頂舊志云井大方濶約二丈積水深八

尺雖旱未嘗涸咸淳志又西山頂一泉亦名天井俱大旱不

涸仁和縣志方岳觀天井詩雷斧何年鑿翠成老龍吟苦雪濤驚霜晴未用爲霖在留與春蓑作太平

龍泉井 水甚瑩潔卽大旱不竭其井非磚石甃乃山之

天穴也穴上隘下廣泉從出焉居民取以澡絲多利賴之

卓微甫集又名天然泉在白栗山泗水菴內煎茶信宿不敗塘

畧志

柳浦 在鳳凰山下隋置郡處今無可攷

咸淳志

候潮門外

外江干有跨浦橋六朝時謂之柳浦埭宋泰始二年吳喜擊孔覲等于會稽自柳浦渡趨西陵齊永明二年富陽民

唐寓之作亂進錢塘至于柳浦唐書云隋自餘杭移州治

錢塘又移治柳浦倚山築州城是也

讀史方輿紀要

齊書顧憲之

傳云西陵戍主杜元懿啟牛埭稅課乞浦陽南北津及柳

浦四埭爲官領攝柳浦在錢塘吳越時築城及柳浦見資

治通鑑注然竟不識何所讀憲之傳始知其爲江埭則城

東永昌門一帶爲柳浦無疑

壯非瑣言

鐵幢浦 王射潮箭所止處嘗立鐵幢因名其浦

吳越備史 錢

王射潮箭在候潮門左手數步

錢塘遺事 徐一夔辨錢塘鐵箭按舊臨安志郡人

相傳吳越王鏐用強弩射潮箭所止處立鐵幢識之又云錢氏子孫言築塘時高下置鐵幢三以爲水則在今利津橋北者其一也舊名其地爲鐵幢浦幢制首圓如杵徑七八寸許出土約三尺餘其趾入土不知幾許故老又云初置幢時塘猶未成慮潮盪幢用鐵輪護幢趾而以鐵絙貫幢幹且引絙維于塘上下之石礎然後實土築塘故幢首出土此說是也宋淳祐間趙安撫與憲買民地作亭覆幢今亭廢爲民居濁存窪池而鐵幢之首嶄然出窪池可驗幢本有三故老云一在舊便門東街小巷一在舊薦橋門外皆堙塞于民居僅存其在利津橋者又爲民居所蔽若不表識久亦堙塞此實幢也近世有賦鐵箭者遂指此幢爲箭認幢首爲鏃不思方射潮時箭已逐潮去矣且鏃雖英雄其所發箭亦不過致一時之精誠未必異于常箭不知而妄作如此可笑又謂其首出土面可撼而不可拔以爲神異此尤不察其下有關鍵故也至惑于彘堅志之說謂此矢拔則龜目紅其言尤謬今恐以訛滋說故辯之

王安石鐵幢浦詩憶昨初爲海上行日斜來往看潮生如今身是西歸客回首山川覺有情

按湯廉夫東維子集有鐵箭賦徐大章所辨大抵皆其賦序也然元人多以幢爲箭者據錢塘遺事可見

福村浦

在臨江鄉

嘉靖仁
和縣志

白石浦

在臨江鄉白石村

咸淳志

今已陷于海沙雖漲而

浦無蹟矣

嘉靖仁
和縣志

宋政和二年尚書張閣言潮汛自海門

過赭山卽回薄巖門白石一帶六年知杭州李偃乞登巖門白石等處石岸見宋史河渠志乾道二年十一月幸白石教場閱兵見禮志明永樂十一年五月與鮮船渡浦湯村浦同陷于海今惟有土神廟額題曰白石或猶故浦之

旁地耳

艮山
雜志

湯村浦

在臨江鄉

仁和縣志

政和丙申杭州湯村海盜壞居

民田廬凡數十里朝廷降鐵符十道以鎮之符每片重百

斤正面鑄神符及御書咒貯以殺青木匣投之海中

泊宅編

永樂十一年夏五月江湖平地水高尋丈仁和十九都二

十都陷于海湯村諸浦無蹟

萬歷舊志

浙江渡

在候潮門外對西興

咸淳志

時家渡

在德勝堰南

咸淳志